

665. *Eriopsis Wercklei* Schltr., spec. nov.

Epiphytica, erecta, c. 50 cm alta; rhizomate verosimiliter brevi; pseudobulbis fide collectoris conicis, c. 8 cm altis, rugoso-asperatis, saepius nigricantibus; foliis erectis vel erecto-patentibus, anguste oblongis, basin versus sensim in petiolum brevem angustatis, coriaceis, c. 45 cm longis, medio fere c. 5 cm latis; inflorescentia erecta, 50—60 cm alta, pedunculo tereti, vaginis paucis brevibus, arcte amplexantibus obtusis dissitis donato, usque vel 30 cm longo, 5 mm diametro; racemo densius multifloro, usque supra 30 cm longo, erecto; bracteis minutis, deltoideis, acuminatis vel apiculatis, ovario pedicellato multoties brevioribus; floribus in genere mediocribus, illis *E. bilobae* Ldl. similibus, fide collectoris flavido-brunneis; sepalis oblongis, obtusis, glabris, c. 1,4 cm longis, lateralibus obliquis, subovato-oblongis; petalis oblique oblongis, obtusis, infra medium paululo dilatatis, glabris, quam sepala subaequilongis; labello circuitu lateovato, basi subsessili (i. e. vix unguiculato), subcordato-rotundato, usque ad tertiam partem apicalem late reniformi-quadrato, deinde subito conspicue angustato, quarta parte apicali oblongo, 8-ta parte apicali sursum paulo dilatato, apice ipso retuso, labello toto 1,2 cm longo, supra basin 1,3 cm lato, dimidio inferiore minute papilloso, lobo apicali 3 mm longo, antice 4 mm lato, lamellis 2 depressis in dimidio inferiore labelli extrorsis, antice falcato-acutis, lamellis 2 intermediis dentatis, antice falcato-acuminatis, quam extrorsae fere aequilongis, lamellis 2 brevioribus denticulatis obtusis antepositis; columna leviter curvata, apicem versus paulo dilatata, 9 mm longa; ovario graciliter pedicellato, glabro, c. 2,5 cm longo.

Costa Rica: Corillo, 300 m. — Wercklé.

Am nächsten steht die Art wohl der *E. biloba* Ldl. hat aber etwas größere Blüten, breitere Petalen, kürzere, anders gestaltete Lamellen auf der Lippe und eine andere Gestalt der letzteren.